

富端州堂醫學叢書



當歸草堂醫學叢書

輯刻 (清) 錢塘丁 丙

出版 江蘇廣陵古籍刻印社

發行 杭州市古舊書店

定價 白棉紙本一百二十二元

出版時間 一九八二年三月

統書號 一四一〇〇(古)〇五

病
瘵
論
疏

光緒四年秋曰

梨濠李署檢

欽定四庫全書

痰癘論疏

提要

臣等謹案痰癘論疏一卷明盧之頤撰之
頤字子繇錢塘人是書論痰癘證治于虛
寔寒熱四者最爲詳盡足以發明素問癘
論刺癘法諸篇微意大旨謂癘屬陽痰屬
陰日作者屬陽間日間數日作者屬陰而
曰溫曰寒曰痺曰牝皆可以痰癘該之其
主方多取王肯堂證治準繩其餘所列諸

方亦多簡當雖爲書不過一卷然治瘧之
法約畧盡乎是矣杭世駿道古堂集有之
頤小傳稱所著初有金匱要畧模象爲其
父所焚續著有本草乘雅半偈行於世後
著有摩索金匱方九卷又有醫難析疑今
未見傳本獨無此書之名殆世駿作傳時
又有所遺歟乾隆五十一年七月恭校上

痰瘧論疏

明 盧之頤 撰

痰瘧因證素問瘧論及刺瘧法最詳而悉後世守其偏承致經義蒙晦訛謬良多審因者畧證局證者昧因知常而不及變循變而反舍常殊不知有是因方有是證因證既顯常法已具而始可與達變矣乃或常法既迷因證靡辨以寒爲熱熱爲寒虛作實實作虛致微者劇劇者危展轉變承連年月不已其死生存亡莫之能測也偶方孺先生舉問及此聊紀數語以就正

痲瘡總名曰疔疔者秋時寒熱兼作卽疔作而金
伏者是也分名曰痲曰瘡瘡卽惟火疹金酷虐殆
甚日作日休者是也痲卽閒日發或閒數日發深
入陰分者是也此皆得之夏傷於暑熱氣盛藏於
皮膚之內腸胃之外募原六府之閒如客於頭項
或肩背手足者則藏皮膚之內客於胸脇或臏腹
者亦藏皮膚之內或腸胃之外或募原或六腑之
閒此皆營氣之所舍也以夏氣通於心心主營血
之故也本經云以奉生身者莫貴於經隧故不注
之經而溜之舍也舍卽經隧所歷之界分每有界

分必有其舍猶行人之有傳舍然也此暑令人汗
空疎腠理開者以暑性暄發致腠理俱開不能旋
闔耳不卽病者時值夏出之從內而外衛氣仗此
猶可捍禦因遇秋氣機衡已轉自外而內矣其留
舍之暑令汗空疎腠理開風遂乘之以入或得之
以沐浴水氣舍於皮膚之內與衛氣併居衛氣者
晝行於陽夜行於陰風與水氣亦得陽隨衛而外
出得陰隨衛而內薄內外相薄是以日作故衛氣
至必腠理開開則風與水氣之邪入入則病作衛
氣與三陽之氣亦併於陰矣當是之時陽虛而陰

盛外無氣故先寒慄也衛氣虛則起於毫毛伸欠陽明虛則寒慄鼓頷太陽虛則腰背頭項痛三陽俱虛則陰氣勝則骨寒而痛寒生於內故中外皆寒甚則湯火不能溫脈則體靜而至來遲也不列少陽形證者以太陽爲開陽明爲闔少陽爲樞而開之能開闔之能闔樞轉之也設舍樞則無開闔矣離開闔無從覓樞矣故開闔旣陷樞機豈能獨留倘中見樞象卽爲開闔兩持所以持則俱持陷則俱陷也三陽俱陷則陰氣逆陰氣逆極則復出之於陽陽與陰亦併於外則陰虛而陽實陽實則外熱陰虛則內熱內外皆

熱則喘而渴甚則冰水不能寒脈則體動而至來數也此陰陽上下交爭虛實更作陰陽相移也極則陰陽俱衰衛氣相離故病得休衛氣復集則復病也其作有日晏日早者邪氣客於風府也衛氣一日一夜大會於風府循膂而下日下一節二十一日至骶骨故其作也日益晏也二十二日入於脊內注於伏膂其氣上行九日出於缺盆其氣日高作復日益早也有不當其風府而作者謂邪中異所則不當其風府也如中於頭項者氣至頭項而作中於肩背者氣至肩背而作中於腰脊者氣至腰脊而作中於手足者

氣至手足而作中於胸腹者氣至胸腹而作故衛氣
之所在與邪氣相合而病作是以風無常府邪氣之
所合卽其府也若痲之間日或至數日作者其氣舍
深內薄於陰陽氣獨發陰氣內著陰與陽爭不得出
是以間日及間數日而作也間日作者邪氣內薄於
五藏橫連募原也間數日作者邪氣與衛氣客於六
腑而有時相失不能相得故休數日乃作也但所中
之府卽諸經募之舍更當兼見諸經募之證如舍屬
足太陽者更令人頭重腰痛寒從背起先寒後熱焯
焯暘暘然熱止汗難已舍屬足陽明者更令人灑淅

寒寒甚久乃熱熱去汗出時喜見日月光得火氣乃
快然舍屬足少陽者更令人身體解休寒不甚熱不
甚惡見人心惕惕熱久汗出甚舍屬足太陰者更令
人不樂好太息不嗜食多寒熱汗出多病至則喜嘔
嘔已乃衰舍屬足少陰者更令人嘔吐甚多寒熱熱
多寒少欲閉戶自處其病難已舍屬足厥陰者更令
人腰痛小腹滿小便利如癰狀非癰也數便耳意恐
懼氣不足腹中悒悒然舍屬肺募者更令人心寒寒
甚熱熱間善驚如有所見也舍屬心募者更令人煩
心甚欲得清水反寒多熱不甚舍屬脾募者更令人

寒腹中痛熱則腸鳴鳴已出汗舍屬肝募者更令人
色蒼蒼然太息其狀若死舍屬腎募者更令人灑灑
然腰脊痛宛轉大便難目眴眴然手足寒舍屬胃募
者更令人善飢不能食食則腹支滿也此但詳足經
而無手經者經云風寒暑火天之陰陽也三陰三陽
上奉之又邪不干藏列藏證者非真藏之藏乃藏募
之氣化證也更有曰溫曰寒曰痺曰牝者溫卽先熱
後寒之溫瘧也內分二種其一夏亦傷暑秋亦中風
後更傷寒則暑熱在內風氣在中寒獨在外故惟寒
風互爲上下不涉營舍之暑以勢唯兩歧難於三向

故也其先熱者風乃陽邪是以先外出而上從乎寒則外勝外勝故先熱也逆則復內入而下從乎風下從乎風則外負外負故後寒也其二證兼腦髓燥肌肉消亦先熱後寒同名溫瘧者此先冬中寒風藏於骨髓以冬氣通於腎腎藏骨髓之氣也至春陽氣大發邪氣不能自出因遇大暑腠理發泄或有所用力邪氣與汗皆出先從內出之外也如是者陰虛而陽盛陽盛故先熱衰則氣復入入則陽虛陽虛故後寒也寒卽先寒後熱之寒瘧也亦夏傷大暑其汗大出腠理開發因遇夏氣淒滄之水寒藏於腠理皮膚之

卷之三
三

中秋更傷風則病成矣此先傷水寒後傷風氣故先寒而後熱也暑亦在內勢亦兩歧止此一種無有其二瘧卽但熱不寒之瘧瘧也亦分二種悉屬內因其一陰氣先絕陽氣獨發則少氣煩冤手足熱而欲嘔以陽卽熱不假外邪一唯似暑故無寒也其二肺素有熱氣盛於身厥逆上衝中氣熱而不外泄因有所用力腠理開風寒舍於皮膚之內分肉之間而發發則陽氣盛陽氣盛而不衰則病矣不及於陰故但熱而不寒其氣內藏於心而外舍於分肉故令人消燼肌肉此以似暑之肺熱爲內因更受寒風爲外因者

也牝卽但寒不熱之牝瘧也夏亦傷暑秋亦中風但陽氣獨沈不能挈陰自下而上爲陽實虛陰仍實此仲景先生補瘧論之遺闕有瘧必有牝故也至有隨四時而作者則證形少別於常法如秋病者寒甚冬病者寒不甚春病者惡風夏病者多汗乃若得之於冬而發之於夏藏之於心而顯之於肺者雖亦似因時異形此卽溫與瘧之因分內外更超於常法者也以上約畧兩論之當稍置先後云爾

本經唯列刺法先於瘧之未發時陽未并陰陰未并陽因而調之真氣乃復真氣旣復邪氣乃亡堅束其

處令邪氣不得入陰氣不得出審候見之在孫絡盛
堅而血者皆取之如舍屬足太陽者刺郄中郄中者
金門也在足外踝刺入同身寸之三分此陽維別屬
也舍屬足陽明者刺衝陽在跗骨動脈上去陷谷三
寸刺入三分留十呼此足陽明原也舍屬足少陽者
刺俠谿在足小指次指歧骨間本節前之中刺入三
分留三呼此足少陽榮也舍屬足太陰者刺公孫在
足大指本節後一寸刺入四分留七呼此足太陰絡
也舍屬足少陰者刺太鍾或太谿太鍾在足內踝後
街中刺入二分留七呼此足少陰絡也太谿在足內

踝後跟骨上動脈陷者中刺入三分留七呼此足少
陰俞也舍屬足厥陰者刺太衝在足大指本節後二
寸陷者中刺入三分留一呼此足厥陰俞也舍屬肺
募者刺列缺合谷列缺在手腕後寸半刺入三分留
三呼此手太陰經絡也合谷在手大指次指歧骨間
刺入三分留六呼此手陽明所過也舍屬心募者刺
神門在掌後銳骨端陷者中刺入三分留七呼此手
少陰俞也舍屬脾募者刺商邱在足內踝下微前三
寸陷者中刺入三分留七呼此足太陰經也舍屬肝
募者刺中封見血在內踝前一寸半陷者中仰足取

之伸足得之刺入四分留七呼此足厥陰經也舍屬
腎募者刺太鍾太谿取法如前足少陰例舍屬胃募
者刺足陽明太陰橫脈出血厲兌解谿三里悉主之
厲兌在足大指次指之端去爪如韭葉刺入一分留
一呼此足陽明井也解谿在衝陽後三寸半腕上陷
者中刺入五分留五呼此足陽明經也三里在膝下
三寸胫骨外廉兩筋分肉間刺入一寸留七呼此足
陽明合也此十二瘡者其發各不同時當先察其病
形以知其舍於何舍則知衛氣所集時矣須未發時
如食頃而刺之一刺則衰二刺則知三刺則已不已

刺舌下兩脈出血又不已刺郄中盛經出血又刺項
已下俠脊者必已舌下兩脈者廉泉也如未暇審其
所舍先必問其病之所先發者先刺之如先頭痛及
重者先刺頭上上星百會及兩額懸顱兩眉攢竹間
出血如先項背痛者先刺風池風府大杼神道間出
血如先腰脊痛者先刺郄中出血如先手臂痛者先
刺手少陰陽明十指間出血如先汗出惡風者風瘡
也刺三陽經背俞之血者如胛痠痛甚按之不可得
者曰胛髓病以鑱鍼鍼絕骨出血立止或瘡之始發
也身欲寒時先刺手陽明太陰足太陰陽明之井俞

身方熱時更刺跗上動脈開其空出其血此卽陽明脈也若瘧脈滿大急者刺背俞及伍肱俞用中鍼各一適肥瘦出其血背俞謂大杼伍肱俞謂譙譙也若脈小實急者灸脛之復溜在內踝上二寸陷者中灸五壯此足少陰經也更刺指之至陰在足小指外側去爪甲如韭葉刺入一分留五呼此足太陽井也若脈緩大虛者便宜用藥不宜刺矣設刺諸陰之井無出血間日一刺瘧不渴間日作者刺足太陽渴而間日作者刺足少陽溫瘧不汗出者爲五十九刺此皆無往而未得其併者也過之則失其時矣如瘧之且

發也陰陽之且移也謂其氣逆未可治也故經言無刺熇熇之熱無刺渾渾之脈無刺漉漉之汗正方其盛時必毀及其衰也勢必大昌此之謂也

從來藥治方劑固多獨缺全局唯金壇王肯堂先生輯證治準繩內立二方其一用升麻柴胡葛根羌活防風甘草其二用石膏知母粳米桃仁紅花猪苓鯨鯉甲亦各得全局之半今復爲一雖複實奇誠奇方之宣劑也以之爲主俾卽主知常因常達變於是化而裁之推而用之神而明焉存乎其人矣

蓋痿與瘧乃風與暑合作爲病應從兩治矣但氣病

之至所有遠近上下及新故重輕之別則適其至所
而爲方治亦有奇偶重複及從逆反佐之殊先釋主
方大畧次後便於分析也先因於暑暑卽火熱必鬱
肺金之燥化轉夏成秋溽暑自息故藥皆從乙庚合
化法卽以五種風藥爲乙白虎全方爲庚獨金火相
刑難於交遞更以甘草之土維持長夏欲藉火土授
受之際方堪對待夏火上極之勢轉爲秋金下降之
令此卽點火成金不煩另覓種子者也雖轉成金金
不生水甯成生化縱使夏火頓除不過暫時潛伏又
以知母陰潤之水以復母譬卽淫勝鬱復法也若金

鬱則泄之解表利小水者風藥猪苓是矣更因於風
風卽風木必動脾土之濕化脾土運行風斯息矣故
藥亦從甲巳合化法卽以五種風藥爲甲甘草爲巳
又稭米石膏爲金乃土轉生金復驅風木也若土鬱
則奪之行土用者土以生木爲用風藥屬木正所以
行土用也又風併衛氣亦須治風五種風藥正治風
之劑又衛氣下陷營中併致三陽亦陷唯挈三陽衛
氣自持如羌活之挈太陽葛根之挈陽明芫胡升麻
防風之挈少陽是也但偏重少陽者樞機維持開闔
故也又暑藏營舍亦須治暑白虎全方正治暑之劑

藏之營舍亦須治營桃仁紅花之類是也若鯨鯉穴
山而居遇水而入則是出陰入陽穿其經絡於營舍
舍且傾倒暑更何從棲息耶又有兼沐浴之水氣舍
於皮膚者卽以猪苓徹之更有兼澆滄之水寒侵著
肌腠者猪苓固能利徹更須佐以辛溫乃可對待水
寒之寒羌活芫胡之類是矣故風暑合作其始也形
證必稍偏於風此因未易釀熱先須重於從風輕於
從暑不必盡用全方解表利小水足矣久則暑熱熾
盛風亦釀熱方稱二氣平均現證始無偏勝乃從全
方合治法也此但指風暑初中時二氣無偏負者言

設有暑勝於風現證必稍偏於暑者治宜從暑而帶風亦有風勝於暑現證稍偏於風者治宜從風而帶暑甚至有暑熱獨熾惟現暑象絕無風證者治惟從暑不必兼風此種世人目爲中暑者謬矣蓋暑則常顯而不休瘧則時間而時甚縱或無間亦必刻期加重或七日九日十四日暑雖縱橫殆甚久則勢必稍遜以汗以熱亦卽所以泄暑也未現之風至此始露方寒來而熱往熱往而寒來始從兩治法也以上獨暑氣偏勝與瘧瘧之但熱者不同類瘧則獨見瘧瘧之形證此則惟暑氣勝於風寒者也又甚至有風氣

獨盛惟顯風證絕無暑象者治惟從風不必兼暑此種世人目爲傷寒或爲中風或久之風暑俱現轉語云風寒轉而成瘧者亦謬矣蓋寒與風惟冬中傷卽時爲病各顯標本之化其不卽病者至春始變爲溫至夏始變爲暑暑病者熱極重於溫也始現證時便不惡寒一惟惡熱且煩且渴而無汗若風之至夏亦變暑病者更加自汗出鼻息齟語難出脉浮而身重也故此溫此暑惟春惟夏隨時變遷亦卽隨時現證是以隨時命名至夏則人身出機已盡無復伏藏故不得不隨夏出之機發露殆盡未聞猶可伏匿至秋

反見冬時卽病之寒化而無標證之陽象者經云夏
惟傷暑秋成痃瘧亦如寒風至春變溫至夏變暑同
一機衡繇此觀之夏月寒風從何而至更可云寒風
轉而成瘧乎此不知夏雖傷暑不若秋風之獨厲是
以惟見寒風絕無暑象亦如暑熱獨熾時間時甚或
刻期增劇或七日九日十四日風雖摧拉至此勢亦
稍遜作熱作汗亦卽所以泄風也其伏匿之暑與風
始無偏勝方得均平互爲顯現亦始從兩治法也以
上惟風氣專令與牝瘧之但寒者不同類牝則獨現
牝瘧之形證此則惟風氣勝於暑熱者也若痃之內

薄於陰者治固同法但暑舍深邃與淺近者方有異
同先須度二氣之勝負但偏於向營卽從主方隨證
損益次後治暑如石膏粃米箠竹葉之類佐以海螵
蛸驅逐營舍之固結力轉營爲衛矣更以常山解夏
熱之交互定陰陽之且移常卽恒久不變山卽艮止
不遷之意也若間二日或數日發者可類推矣設兼
見足太陽形證者卽爲舍屬足太陽宜桂枝芫胡各
半湯太陽爲開但寒熱交互似乎從樞故卽從樞轉
開甚則大青龍湯主之又太陽從本從標故可從本
氣之風暑標見之寒化陽象者也兼見足陽明形證

者卽爲舍屬足陽明宜桂枝一白虎二湯固陽明爲
闔止須治開門開則邪去邪去則旋闔矣倍白虎一
分者陽明不從標本從乎中治之濕化故也甚則鼈
甲煎丸主之陽明多血多氣故也設胃家實大便難
者調胃承氣湯主之兼見足少陽形證者卽爲舍屬
足少陽宜小柴胡湯少陽從本少陽爲樞故也兼見
足太陰形證者卽爲舍屬足太陰宜小建中湯太陰
爲開太陰從本故也設自利便膿血時腹自痛者桂
枝倍芍藥加大黃湯主之此脾家實腐穢當去故也
兼見足少陰形證者卽爲舍屬足少陰宜茈胡加細

辛湯少陰爲樞少陰從本從標故也兼見足厥陰形
證者卽爲舍屬足厥陰宜四物加苦楝附子黃芩湯
厥陰爲闔不從標本從乎中治之火化故也設厥甚
者宜下之厥深熱亦深故也設消渴氣上撞心心中
疼熱饑不能食食卽吐衄者烏梅丸主之兼見肺家
形證者卽爲舍屬肺募也先宜桂枝黃耆白薇欬冬
花散次宜秫米甘草常山之屬兼見心家形證者卽
爲舍屬心募也先宜桂枝黃芩湯次宜甘草蜀漆常
山鼈甲石膏香豉梔子烏梅淡竹葉之屬兼見脾家
形證者卽爲舍屬脾募也先宜小建中湯次宜秫米

宜女菱石膏湯或葛根猪苓湯其二宜香鼓梔子括
樓湯若但寒不熱之牝瘧宜蜀漆湯或牡蠣湯若秋
病者寒甚先宜從風以扶陽次宜主方兩治法也若
冬病者寒不甚先宜藿香正氣散次投主方亦可但
當重於從風輕於從暑此必先歲氣無伐天和故也
若春病者惡風先宜芫朴湯次投主方亦可若夏病
者多汗主方主之雖時值暑氣流行亦須偏於從風
俟暑風平等本標互顯乃可從兩治法也設病反其
本而已轉標陽然於主方重於從暑甚則惟得標方
一惟治暑宜白虎湯或竹葉石膏湯更當視其內外

證如寒已罷而作熱之時必大煩喝大汗出面垢齒
垢消渴飲冷而未能解者乃可投之設暑證雖具面
齒雖垢而作熱之時縱冰水不能寒仍覺淅淅惡風
者還從主方重於從風更有一種雖淅淅惡風或嗇
嗇惡寒非若怯寒風之表虛反若遇寒風而身熱愈
熾者此屬陰微陽亢又當重於從暑更有一種寒極
而熱熱極而汗汗極而熱不解者表未去也又當重
於從風設脉反躁疾或遲伏或狂言迷亂或嘿嘿不
欲言不爲汗解者病名陰陽交交者死不治更有一
種熱極而汗汗極而熱愈熾或渴或不渴肢體痛煩

筋脉攣急汗仍蒸蒸不已者此屬寒薄營氣轉作燎
炎設偏於從風必口爛舌斷立見殂斃矣法當宣攝
營氣以潤筋膜若兼身重木強筋肉垂腫者此又屬
風濕相搏法當宣攝衛氣以充肌腠更有一種外證
汗出惡熱內證胃家實大便難者此屬陽明內結更
有一種汗煩喘渴消渴飲冷水舌苔白濇隨飲隨涸
者此屬胸中熱若舌苔白滑者此又屬胸上寒更有
一種汗煩喘渴消渴飲冷水胸中滿悶心下悸忡或
嘔或噦或欬或噎者此屬水鬱若水藥入口卽吐者
此又屬水逆更有一種大汗出後胃中乾煩躁不得

者不可槩作熱論或食宿飲留則唾液罔周致齒舌燥涸者有之或鼻塞唇揭則吸呼從口致唇舌燥涸者亦有之更有一種舌苔青黑亦不可槩作熱論或少啖甘酸便令青黑實非本有之色也更有一種舌本無苔而舌皮光薄且紅白柔嫩宛如新生望之若有津唾抹之燥涸殆甚者此屬妄汗吐下走亡血液所致死不治也以上皆寒熱虛實之變附錄以備料簡至若病久不愈者此病結爲癥瘕急治之宜鼈甲煎圓虛勞者宜蜀漆圓或牛膝湯或丁香酒如或暑風淫併而經隧廢弛或寒熱遷變而升降失序或虛

實更作而上下交持或表陽散懈而裏陰獨沈或營衛虧竭而血氣損傷或故病未攘而新邪再襲或食飲過饕而飲留食宿或以慾竭精而形藏化薄或煩勞則張精絕或大怒則形氣絕或憂愁思慮復傷脾或形寒飲冷復傷肺或強有用功或勞汗當風或風疾反顯而新疾似隱或新疾方痊而夙疾轉熾或有似是而非或有似非而是種種證因亦令病久不愈者更當度情志之苦欲補瀉及後先輕重而消息之又不可偏執諸方而槩投之矣蓋暑藏營舍而爲汗煩喘渴及體若燔炭正暑氣暄發之本性耳固稱必

鬱肺金之燥化與痺營血之流行而無肺金營血之
標證者正所謂在天成氣氣惟鬱化亦所謂先爲是
動未所生也設不亟正治或早加禁截則在天之暑
氣轉而成在地之火行乘刑金藏及後爲所生病矣
如火乘金藏則少氣喘欬血溢血泄鼻噓嗑乾耳聾
目赤肩背熱癢疹瘞身熱膚痛爲浸淫甚則肺氣
焦滿胸中隱隱刺痛口中辟辟燥欬唾涎沫穢濁者
肺痿唾膿血腐臭者肺癰此皆火乘金藏所致也如
後所生則痺血成勞血脈虛少不能營於五藏六府
身體不仁肌肉甲錯兩眸黑暗目瞑目眩鬚眉落毛

髮折四肢痠痛熱煩行動則喘喝手足厥寒衄血咯
血卒喘悸忡咽乾舌涸裏急少腹堅小便癃腰脘痛
陰頭寒精氣清冷夢交失精魂魄飛墮殮泄溏泄食
穀不消腸鳴幽幽臏腹脹滿善盜汗虛煩不得眠馬
刀挾瘦此皆痺血成勞所致也蓋風併衛居而爲寒
慄鼓頷及善行數變正風氣摧拉之本性也故稱必
動脾土之濕化與痺衛氣之外衛而無脾土衛氣之
標證者亦所謂在天成氣氣惟鬱化亦所謂先爲是
動未所生也設不亟正治或早加禁截則在天之風
氣轉而成在地之木行乘尅土藏及後爲所生病矣

如木乘土藏則黃疸腸澼肌肉消瘦飲食不能爲肌膚體重煩冤腸鳴腹支滿身臏憤舌難言口吐沫甚則三焦無所御四維斷絕肢體尪羸獨足腫大此皆木乘土藏所致也如後所生則痺氣成勞內閉九竅外壅肌肉衛氣散懈少氣不足言皮聚毛落血菀於上陰不勝其陽則脉流薄疾并乃狂陽不勝其陰則五藏氣爭九竅不通甚則目盲不可以視耳閉不可以聽潰潰乎若壞都汨汨乎不可止此皆痺氣成勞所致也蓋或兼得之以沐浴水氣舍於皮膚之內與衛氣併居者濕化也設濕化不攘則一身盡疼飲發

中滿頭汗出首如裹身黃背強欲得被覆向火甚則
肌肉萎行善癩四肢不舉歷節黃汗腹滿食減溏泄
腸鳴下反甚設更早加禁截則濕化轉而成土乘侮
水藏矣當病腹痛清厥意不樂體重煩冤胸中不利
陰痿不用腰脰痛少腹痛心下痞痛動轉不便時害
於食足脛寒而逆此皆濕化乘勝所致也蓋或兼遇
夏氣淒滄之水寒藏於腠理皮膚之中者寒化也設
寒化不折則水失體用而心氣抑心下悸寢汗憎風
甚則奔氣欬喘水飲支飲眼下浮起如臥蠶脛腫腹
大若蠱狀設更早加禁截則寒化轉而成水乘傳火

藏矣當病身熱躁悸骨肉不相着足痿不收持濡泄
血溢陰厥奔豚上下中寒譏語心痛熱中昏悶渴而
妄冒此皆寒化乘勝所致也如或暑藏營舍舍屬足
太陽經脉之界分兼見頭重腰痛寒從背起先寒後
熱焯焯暍暍然熱止汗難已之經化證者不亟正治
或早加禁截必注之經而溜之府當病衝頭痛挾脊
痛目似脫項似拔腰似折髀不可以屈脰如結膈如
裂尻足腳皆痛小指不用甚則癩狂頭顙項強痛目
黃淚出鼻衄癰閉戴眼直視而遺溺如或暑藏營舍
舍屬足陽明經脉之界分兼見灑淅寒寒甚久乃熱

熱去汗出時喜見日月光得火氣乃快然之經化證者不亟正治或早加禁截必注之經而溜之府當病顏黑善呻數欠惡人與火聞火聲則惕然而驚心欲動獨閉戶塞牖而處甚則欲上高而歌棄衣而走賁響腹脹狂亂溫淫汗出鼻衄口喎唇胗頸腫喉痺大腹水腫膝臏間腫痛循膺乳氣街股伏兔骭外廉足跗上皆痛中指不用胃中熱則消穀身以前皆熱胃中寒則脹滿身以前皆寒有不得隱曲女子不月其傳風消而息賁如或暑藏營舍舍屬足少陽經脉之界分兼見身體解休寒不甚熱不甚惡見人心惕惕

熱久汗出甚之經化證者不亟正治或早加禁截必
注之經而溜之府當病口苦善太息心痛脇痛不可
轉側面有微塵體無膏澤足外熱小指次指不用甚
則頭領痛目銳眦痛缺盆中腫痛胸脇肋髀膝外外
踝脛絕骨前諸節痛時寒熱馬刀挾瘦狐惑智失而
黃出如或暑藏營舍舍屬足太陰經脉之界分兼見
意不悅好太息不嗜食多寒熱汗出多病至則喜嘔
嘔已乃衰之經化證者不亟正治或早加禁截必注
之經而溜之藏當病舌本強胃腕痛腹脹善噫而嘔
甚得後與氣乃快然如衰身體重大指不用甚則舌

本痛體難動搖食不下煩心心下急痛漉瘕殮泄水
閉黃疸不能臥而強立或怠惰嗜臥股膝內腫厥四
肢痿弱而不收如或暑藏營舍舍屬足少陰經脉之
界分兼見嘔吐甚多寒熱熱多寒少欲閉戶自處其
病難已之經化證者不亟正治或早加禁截必注之
經而溜之藏當病噤痛頷腫不可以顧肩似拔臑似
折甚則耳聾目黃兩頰間腫頸頷肩臑肘臂外後廉
皆痛小腹急痛泄如下重足脛寒逆而骨痿如或暑
藏營舍舍屬足厥陰經脉之界分兼見腰痛少腹滿
小便數如癢狀氣不足意恐懼腹中悒悒然之經化

證者不亟正治或早加禁截必注之經而溜之藏當
病腰脇痛不可俛仰丈夫癩疝婦人少腹腫甚則噤
乾面塵脫色胸滿嘔逆殮泄狐疝四肢滿閉淋洩便
難而轉筋如或暑藏營舍舍屬肺募之界分兼見心
寒寒甚熱熱間善驚如有所見之藏化證者不亟正
治或早加禁截邪干肺藏矣當病發欬上氣甚則大
骨枯槁大肉陷下胸中氣滿喘息不使其氣動形期
六月死如或暑藏營舍舍屬心募之界分兼見煩心
甚欲得飲清水反寒少熱不甚之藏化證者不亟正
治或早加禁截邪干心藏矣當病筋脉相引而急甚

則大骨枯槁大肉陷下胸中氣滿腹內痛心中不便
肩項身熱破膈脫肉目匡陷眞藏見目不見人立死
其見人者至其所不勝之時則死如或暑藏營舍舍
屬脾募之界分兼見寒甚腹中痛熱則腸鳴鳴已汗
出之藏化證者不亟正治或早加禁截邪干脾藏矣
當病發癰腹中熱煩心出黃甚則大骨枯槁大肉陷
下胸中氣滿喘息不便內痛引肩項身熱脫肉破膈
眞藏見十日之內死如或暑藏營舍舍屬肝募之界
分兼見色蒼蒼然善太息其狀若死之藏化證者不
亟正治或早加禁截邪干肝藏矣當病脇痛出食甚

則大骨枯槁大肉陷下胸中氣滿喘息不便內痛引
肩項期一月死如或暑藏營舍舍屬腎募之界分兼
見灑灑然腰脊痛宛轉大便難目眴眴然手足寒之
藏化證者不亟正治或早加禁截邪干腎藏矣當病
少腹冤熱而痛出白甚則大骨枯槁大肉陷下肩髓
內消動作益衰真藏未見期一歲死見其真藏乃與
之期日如或暑藏營舍舍屬胃府之界分兼見善饑
不能食食則腹支滿之府化證者不亟正治或早加
禁截邪入胃府矣當病留飲吐沫關格虻結天癸竭
精氣衰少甚則羸瘦短氣胃絡脉絕陽絡傷則吐血

陰絡傷則便血見血卽死如或暑藏營舍次復風寒
兩襲而作先熱後寒之溫瘧者不亟正治或早加禁
截多致痺氣血而成風痺以次乘傳所謂痺傷形移
皆有次也或致風鬱成黃或致邪逆胸腹而成蠱也
更有一種冬中寒風藏於骨髓次遇大暑邪氣與汗
皆出證見骨髓消肌肉爍亦先熱後寒同名溫瘧者
不亟正治或早加禁截多致形藏損至皮聚而毛落
至骨痠不能起於床者死或骨痠不能起於床至皮
聚而毛落者死所謂至從下上損從上下也如或暑
藏營舍次遇夏氣淒滄之水寒更中秋氣降肅之風

化而作先寒後熱之寒瘧者不亟正治或早加禁截
亦致痺氣血而成痛痺或致水閉成疸或致水飲溢
出肌膚腸胃之外而成腫也如或陰氣先絕陽氣獨
發證見少氣煩冤手足熱而欲嘔而作但熱不寒之
瘧瘧者不亟正治或早加禁截多致身體灼熱目盲
狂走或致熱氣所過則爲癰膿或致胃疽腸腐其人
死身色赤腋下溫心下熱也更有一種肺素有熱厥
逆上衝中氣實而不泄因有所用力腠理開風寒舍
於皮膚之內分肉之間而發證見肌肉消燦亦但熱
不寒同名瘧瘧者不亟正治或早加禁截多致喘欬

血溢毛髮焦折或致肺痿肺癰吐涎沫及膿血也如
或暑藏營舍風併衛居獨表氣微虛不能挈陰自下
而上而作但寒不熱之牝瘡者不亟正治或早加禁
截多致陰陽離決血苑於上或致重陰則癩脫陽見
鬼其人死身色青脛先寒唇先黑也如或春病者惡
風夏病者多汗冬病者寒不甚不亟正治或早加禁
截多致陰陽離決血苑於上或致以顯經藏之化已
兼經藏之化此又因經藏界分轉生變承矣至於間
日發或間數日發者不亟正治或早加禁截其變生
形證以其舍深橫連募原內薄六府則易于藏府多

致病死不治也然則夏令暑熱之氣爲致病之本因
人身營氣之舍爲奉本之標見秋氣降肅之風沐浴
之水淒滄之寒爲成病之宗乘若衛氣三陽此則作
病之關機經藏界分此又營舍之畛畦也故寒熱間
作及兼經藏之化曰常注經溜府及見乘勝之證曰
變是以一歲之中長幼之病多相似者以暑爲時序
對待所必有之氣故爾乃若五運六氣亦作疫瘧宜
應別論以五歲六期始一再見爲流行相襲加臨之
化故爾如歲火太過炎暑流行民病瘧其兼證喘欬
少氣血溢血泄耳聾噤燥中熱肩背熱如歲木不及

復則炎暑流火民病寒熱其兼證痲疹癰瘰如赫曦
之紀炎暑施化民病笑瘧其兼證瘡瘍血流狂妄日
赤如陽明司天燥氣下臨暴熱乃至民病寒熱其兼
證心痛如少陰司天熱氣下臨大暑流行民病寒熱
其兼證喘嘔噎鼻衄吐衄鼻窒如陽明之政炎暑大行
民病寒熱其兼證欬逆噤塞振慄癰閼三之氣燥熱
交合民病寒熱其兼證喘欬氣上四之氣寒雨降民
病瘧寒之疾其兼證骨痠血便暴仆振慄譫妄少氣
噤乾引飲及爲心痛癰腫瘡瘍如少陽之政炎火乃
流民病寒熱瘧其兼證聾瞶色變如太陰之政四之

氣溽暑蒸化民病瘧其兼證腠理熱血暴溢心腹臄
滿而熱甚則肘腫如少陰之政三之氣大火行民病
寒熱更作其兼證欬喘目赤氣厥心痛四之氣溽暑
至民病寒熱其兼證噤乾黃痺戴衄飲發如火鬱之
發大暑至民病溫瘧其兼證瘕瘕骨痛四肢臄憤瘍
痈嘔逆腹暴痛血溢流注目赤心熱甚則瞽悶懊懣
溫汗濡玄府善暴死也如厥陰在泉風淫所勝民病
灑淅振寒其兼證欠伸兩脇裏急心腹支滿鬲咽不
通食則嘔逆腹脹善噫得後氣乃快然身體皆重如
少陰在泉熱勝則熵民病寒熱如瘧其兼證皮膚痛

目瞑齒痛頤腫腸鳴氣上喘不能久立少腹中痛而
腹大如少陰司天熱淫所勝民病寒熱其兼證欬喘
氣中唾血嗽衄溺色變甚則瘡瘍附腫肩背臂臑缺
盆中痛肺脹滿膨膨而喘欬如少陽司天火淫所勝
民病頭痛發熱惡寒而成瘧其兼證皮膚熱痛色變
黃赤欬唾血溢熱中仰息傳而爲水身面跗腫如陽
明司天燥淫所勝寒清於中感而成瘧其兼證左股
脇痛欬而腹鳴注泄驚漕甚則心暴痛不可反側噎
乾面塵如太陽之勝凝溼且至民病瘧其兼證寒厥
入胃內生心痛陰中迺瘍隱曲不利筋肉拘苛血脉

凝泣目如脫寒入下焦傳爲濡寫如少陰之復燠熱
內作民病寒熱其兼證振慄譫妄寒已而熱膚痛暴
瘡少氣骨痠隔腸不便外作浮腫如少陽之復大熱
將至民病瘧其兼證鼓慄寒極寒極乃熱血溢血泄
少氣脉萎噤絡焦枯渴飲水漿上爲口糜下爲跗腫
赤黃色變小便數而欠也顧運行之相襲及主客之
加臨亦莫不以暑熱爲本因營舍爲標見但所顯證
形皆屬藏化所謂病所勝之藏承所不勝之氣故也
制方施治各有宜忌高則抑之下則舉之有餘折之
不足補之佐以所利和以所宜同則異之異則從之

治寒以熱治熱以寒所以順流行安主客而適寒溫也設不察時令與流行主客之差別而槩治之甚至早加禁截多令暴亡所謂中運行者十全五中天刑者無一生行傷藏故也可不慎歟頤性生木魯不敢強作臆說以資觀聽謹從經論詳別因證之常變衍疏成編聊備參考豈漫云著述乎況未盡實多千里比肩端祈指駁

附方

計錄方三十八則聊備因證之常其變乘氣運先賢未經詮則頤又何敢妄參或藉此化而裁之則海內

諸方多堪擇用誠神而明之則存乎其人焉爾至於
揀選藥石從上古人不唯審方域辨氣候必蓄司歲
孕生之物以備一紀之需恐失所精專難以待從逆
反佐遂苦欲補瀉也但世苦綿力七年之病猶難三
年之艾況品物咸具者乎是以雷公精參炮炙以補
不逮設併棄置勿遵更或良楛不侔直欲制撻而撻
堅利烏乎可

瘧主方

諸方分兩已從古方裁減或三之二或五之四設
更欲增損須諒因證之微甚以爲去就然方大病

易除方小病難已也

白虎青龍各半湯

芫胡

取銀州者去鬚及頭用銀刀削去黃薄皮少許粗布拭淨剉細勿令犯火七錢

升麻

不經雨暘者形色翠碧削去皮用黃精汁浸一宿暴乾剉蒸再暴三錢

葛根

取潔白肥嫩者用雪水或秋露潤透切片陰乾九錢羌活去頭細剉

拌泥三日暴乾去蘆五錢

防風勿用又頭又尾發人癩疾取

肥大柔潤色黃通

甘草取黃中通理者剉細五錢

尾尖處各四五寸

僅取中節切作寸許長入磁器中好酒浸蒸從巳至午取出暴乾剉細七錢

分五

知母槐砧上剉細乾木臼杵搗數干下勿犯鐵器七錢

石膏

取潔白如束鍼者研極細用甘草水飛三遍澄清去水曬乾再研三兩

桃仁

去皮同白朮烏豆置磁器中煮三伏時取出劈開心黃如金色為度暴乾搗爛五錢

紅花

粟米泔浸片刻取出用布袋絞去黃汁青蒿排覆一宿曬乾三錢五分

猪苓

銅刀削去黑皮切作薄片用東流水浸一宿取出到細以升麻葉對拌蒸一日去葉

暴乾

如無葉即鱖鯉甲取近尾甲好酒浸一日

升麻

亦可九錢鱖鯉甲擇高潔地上掘一土穴

用炭

火燒赤置甲于穴內以淨瓦覆之瓦上實

土勿

令氣泄俟冷取出研碎另掘一土穴埋甲

過宿

次早取 粳米一合

用五錢五分

淘淨

右十三味以水三升五合先煮粳米減半升去粳

米同諸藥煮取升半去滓分三服露置星月下高

潔處橫刀其上寅卯時取初服再煮數沸俟病者

睡熟推醒服畢莫其人語覆蓋取微似汗二服

未發前半時許服服畢溫覆勿使寒慄大作熱亦
漸減三服發後半時許服服畢再半時許方歛熱
粥飲蓋許以充營衛勿食他物損傷藥力也

痰轉方

主方
同瘧

篁竹螬蛸湯

篁竹葉

取向東枝葉摘去虫蝕及有虫
卵穢跡者東流水洗淨二兩

海螬蛸

取潔白輕脆重重有紋如通草者用鹽
鹵作水浸之併煮一伏時取出掘一土

穴燒通紅色入螬蛸在內
經宿取出研作粗末五錢

常山

連根苗收
採者良臨

用時去苗以甘草剉碎用東流水潤濕同拌蒸
半炷香勿令氣泄俟冷去甘草暴乾再用好酒

潤一宿取出暴
乾熬搗七錢

秫米

三百粒
淘淨

石膏

三兩修事
同瘧主方

右五味以水三升置銅器中浸露星月下高淨處
橫刀其上黎明取藥於病者臥榻之側緩火煎取
升半分溫三服清旦一服未發前食頃一服臨發
一服三服訖靜室中溫覆臥當一日勿澡洗併用
藥汁塗手足心及心胸頭面滓亦置枕畔令聞藥
臭過時不發乃澡洗進食

太陽二方

桂枝芩胡各半湯

桂枝

去皮勿令
犯火三錢

芍藥

去黃赤皮一層用蜜水拌
蒸三次暴三次焙乾剉碎

五錢

大棗

取肥大多液者
四枚連核劈開

生薑切片七錢

芫胡九錢修事同瘧主方

黃芩取中腐心黑者佳用

臘水或梅水浸一宿取出

半夏每一兩用白芥子末

蒸半炷香暴乾判用七錢

七錢醃醋四兩攪濁數干下將半夏投中

洗五七遍再用水漂三遍暴乾判碎七錢

人參熟參于飯上蒸透判碎生參去蘆水浸過宿飯上蒸三次暴三次判碎五錢

甘草去頭尾尖處各三寸切作五寸長好酒浸一宿柳火上緩緩炙表裏皆燥為度判碎

右九味以水三升五合煮取升半分温三服未發已發發後各一服服法禁忌法同瘧主方

大青龍湯

麻黃取色青黃中心空赤者去節判碎七錢

桂枝去皮三錢五分

甘草 修事同桂枝 胡各半湯五錢 杏仁 湯潤去皮 尖以烏豆

白石 火石各等分用東流水同煮 大棗 四枚 勞

石膏 修事同瘧主 方一兩五錢 生薑 切七 錢

右七味以水三升五合先煮麻黃減半升去上沫

內諸藥煮取一升去滓未發前溫服五合溫覆取

微似汗得汗停後服

陽明三方

桂枝一白虎二湯

桂枝 去皮三分 錢五分 芍藥 修事同桂枝 胡各半湯六錢

生薑 切七 錢 大棗 四枚 勞 粳米 一合 淘洗

甘草 修事同桂枝 各半湯七錢五分

石膏 修事同瘡 主方二兩

錢五

知母 修事同瘡 主方七錢五分

右八味以水三升五合先煮粳米減半升去粳米
納諸藥煮取升二合分温二服未發臨發各一服

鼈甲煎丸

鼈甲

取綠色九肋者東流水洗去甲外黑皮
甲裏皮膜柳火上緩緩炙令黃色三兩

烏扇

即射干用米泔浸一宿取出以篋竹葉同
東流水煮之從午至亥待冷去葉暴乾七

錢五

黃芩

修事同桂枝 各半湯七錢五分

芫胡

修事同瘡 主方一兩五錢

鼠婦

柳火上置

令黃色七
錢五分

乾薑

市肆者非暴乾即陰乾其
力微其氣濁不堪入藥其

法用東流水淹三日去皮置流水中漂六日更刮去皮然後暴乾置瓷缸中釀三日乃成其氣

清其力勝為効彌速也七錢五分

水潤透再用好酒潤蒸暴三次一兩二錢五分

重者剉片蒸之從已至未暴乾又灑臘月蒸之從未至亥凡七遍暴乾卻灑淡蜜水再蒸一伏

時形如烏膏樣乃暴乾入藥一兩二錢五分

葶藶同糯米合置煨上焙令米熟去米搗碎三錢五分

人肺令作效逆難療也七錢五分

黃褐麤皮每一兩用生薑自然汁五錢塗炙令盡七錢五分

從已至未暴乾瞿麥只用葶藶殼勿用莖葉設同

一兩二錢五分也修事用苦竹瀝浸一伏時取出暴乾五錢

芍藥 刮去皮一層先用蜜

大黃 取文如水紋斑而緊

桂枝 去皮七錢五分

石葦 去黃毛極淨否則射

厚朴 取紫赤辛烈者刮去

牡丹 銅刀去心好酒拌蒸

紫威 好酒潤暴

三伏時取出暴乾五錢

五分

以水漂暴乾

三錢五分

色一兩二

錢五分

分

半夏

用白芥子末入醃醋中頻攪令勻投半夏洗去涎再

人參

飯上蒸熟柳火上置三錢五分

阿膠

先以豬脂浸一宿取出柳木火上炙燥研細七錢五

蜂窠

未取出焙乾研細一兩

赤消

即消石言赤桂者謬矣用東流水煎三炷香傾瓷盆中俟凝結盆底取用三兩

蜣螂

蒸一炷香焙乾去頭足再於柳木火上隔瓦炙黃色一兩五錢

桃仁

湯潤去皮同烏豆白石煮令中心黃金色為度暴乾五錢

右二十三味除鼈甲及另研末外者諸藥共作細

末取鍛灶下灰一斗清酒一斛五斗浸灰于酒內

候酒盡一半即用細布絞去灰着鼈甲於中煮令

泛爛如膠再絞取汁內諸藥煎爲丸如桐子大空心服七丸日三服漸增至二十一丸

調胃承氣湯

大黃

去皮清酒洗潤一宿暴乾二兩

甘草

去頭尾尖處切作五

寸長少用酒潤柳火上

芒硝

東流水煎數百沸泌

炙令黃色剉碎一兩去腳傾盆中俟凝結盆底取用四兩

右三味以水二升煮取大黃甘草八合去滓內芒

硝更上火微煮令沸少少溫服之

少陽一方

小茈胡湯

芫胡去頭蘆削去黃薄皮少許拭淨剉碎一兩五錢黃芩取中空者用東流水

潤透蒸半炷香人參飯上蒸熟三錢甘草去頭尾酒潤炙令黃

色剉碎生薑切片五錢半夏一合用白芥子末半

五錢合釀醋二合攪數百下投半夏干中洗五七遍再用水漂暴乾剉碎

大棗三枚

右七味以水三升煮取二升去滓再煎取升半分

溫三服未發已發發後各一服

太陰二方

小建中湯

桂枝去皮六錢甘草去頭尾酒潤炙黃剉碎四錢

大棗四枚

芍藥削去皮一層蜜水潤透蒸暴三次剉碎一兩二錢

生薑切六錢

膠飴二合

右六味以水三升煮取一升去滓內膠飴更上微

火消解分溫二服未發將發各一服嘔家酒家不

宜服酒嘔家不喜甘故也當去膠飴僅用桂枝湯

主之

桂枝倍芍藥加大黃湯

桂枝去皮六錢

芍藥削去皮一層蜜水潤蒸三次暴三次剉碎一兩二錢

大黃清酒洗七錢

生薑切六錢

甘草去頭尾酒潤炙黃色

錢四

大棗四枚

右六味以水三升煮取升二合去滓分温兩服未

發臨發各一服

少陰一方

芫胡加細辛湯

芫胡去頭蘆削去黃薄皮

黃芩取中空者用流水潤

透蒸半炷香暴人參飯上蒸

甘草去頭尾酒潤炙令黃

乾到碎七錢生薑切六錢

半夏一合用白芥子末半

合醋二合攪濁令勻投半夏

大棗劈四枚

細辛取北地一根只一葉莖柔根細端直而長

去雙葉者切去頭上子以瓜水浸一宿暴乾到碎三錢

右八味以水三升煮取二升去滓內細辛再煎取
升半去滓分溫三服未發已發發後各一服

厥陰二方

四物加苦棟附子槩皮湯

當歸 去蘆頭好酒浸
一宿暴乾七錢

芍藥 去麤皮一
層蜜水潤

蒸暴三
次六錢

乾地黄 用砂仁拌蒸
一伏時七錢

芎藭 東流水潤透剉片拌青
蒿蒸一炷香暴乾六錢

苦棟子 柳木火
上置瓦

焙乾再用好酒拌蒸令透待皮軟去
皮核取肉水煮一伏時暴乾六錢

附子 取重一兩六七錢者用生熟湯浸半日勿
令氣泄取出以白灰裹之數易令乾外裹

大麥麩于柳木灰中炮令皮
拆待冷去麩去皮破開三錢
黃槩 取厚寸許
者去麤皮

每兩用蜜三錢和水塗炙令盡色黃爲度七錢

右七味以水三升緩火煮取二升去滓再用緩火

煎至升半分溫三服未發已發發後各一服

烏梅丸

烏梅 八十枚用苦酒浸一宿去核置甑內藏三升米中蒸至米熟取出搗如泥

細辛 取北地一根只一葉端直極辛者瓜水浸半日暴乾一兩二錢

乾薑 取如法修事白乾薑一兩 當歸 去蘆頭用全身少去

尾酒浸一宿暴乾剉碎一兩 黃連 去蘆及毛用漿水浸二伏時取出於柳火上焙乾剉

碎三兩 附子 一兩二錢修事同上

蜀椒 無花作實者曰蜀椒有花作實者曰花椒花椒形小而赤蜀椒形大而紫修事去梗

及椒腫閉口者閉口者有毒誤服令人卒中難治也先用好酒潤蒸從巳至午蒸時密固勿使氣泄蒸足待無氣取出入瓷瓶中勿傷風也遂封固瓶口于柳木灰火中緩焙乾俟冷取出一兩

桂枝 去皮一兩二錢 人參 飯上蒸熟一兩二錢

黃檗 去麤皮用生蜜水浸半日取出暴再用蜜塗炙每一兩用蜜五錢炙盡為度剉碎一兩二錢

錢

右十味異搗篩各治之然後和勻以烏梅膏和藥令相得再入煉蜜少許內臼中杵干餘下圓如梧桐子大飲湯服十圓日三服漸加至二十圓禁生冷滑物臭食等

肺癰二方

桂枝黃耆白薇欵冬花散

桂枝 去皮 三錢

黃耆 去頭上皺皮蜜水潤透蒸半炷香取出炙燥槐砧上

劉碎 五錢

白薇 取山東所產者柔黃而香用糯米泔浸一宿取出暴

乾槐砧上劉碎蒸之從已至申五錢

欵冬花 取微見花者良

如已芬芳則無氣力揀去向裏裏花蕊殼併向裏實如栗零殼及枝葉用甘草水浸一宿卻取

欵冬葉拌蒸一夜去葉暴乾三錢

芍藥 削去皮一層蜜水潤

蒸三次暴三次劉碎六錢

石膏 研細甘草水飛澄暴五錢

知母 槐砧上劉碎乾木日中搗爛五錢

右七味爲粗末每服五七錢水煎服

秫米常山甘草湯

秫米二百二十粒淘洗淨常山臨用去苗以甘草剉碎用

冷去甘草暴乾再用好酒潤一宿取出暴乾熬搗一兩五錢甘草去頭尾好酒浸蒸從

已至午暴乾剉碎三錢

右三味以水三升煮取升半去滓分温三服發時

令三服盡

心瘡二方

桂枝黃芩湯

桂枝去皮三錢

石膏研細水飛澄暴五錢甘草去頭尾酒潤炙黃剉

四錢去頭蘆削去黃薄皮芫胡少許剉一兩二錢

人參去蘆飯上蒸暴三次剉碎四錢五分半夏用白芥子末入礮醋

中攪勻投半夏洗三五遍漂過暴乾剉碎四錢

黃芩

取腐腸者東流水浸

透蒸半炷香暴乾

剉碎四錢五分

知母

槐砧上剉碎乾木曰

中杵爛

五錢

右八味為麤末每服五七錢水煎服未發將發發

後各一服

梔子香豉淡竹葉湯

梔子

去殼取仁用甘草水浸一宿取出焙乾搗篩為末十三枚

香豉

如法修事者小半合其法用大黑豆三斗六月內淘淨瀝乾蒸熟取出攤席上待微

溫以青蒿覆之每三日一看待黃衣上遍即取暴乾篩淨更用東流水拌潤乾濕得所以汁出

指間為度安甕中築實上以桑葉蓋之厚三四寸密封以泥日中暴七日取出攤暴一時許又

用秋杭拌人豆內復安饗中暴七日取出攤暴
一時許復安饗中暴七日如此七遍取出蒸之

攤令氣歇復收極淨瓷饗中築淡竹葉
極實密封饗口一月後即成矣
洗三遍

切碎
甘草
去頭尾蜜水潤透塗
酒炙黃色剉碎四錢

蜀漆
連根收採者佳臨用時去根以甘草剉細
將東流水潤透拌人蜀漆內蒸之勿使氣

漏俟冷去甘草取蜀漆剉碎又拌甘
草水乾濕得所蒸之俟冷暴乾一兩

常山
臨用去苗同甘草末水潤拌蒸俟冷去甘
草取常山剉碎再用好酒拌潤一宿取出

熬搗一
兩五錢
鼈甲
取九肋者三兩洗去甲外
黑皮甲裏皮肉置罐中用

曬醋煮乾取出炙
燥剉碎一兩三錢
石膏
研細甘草
水飛澄暴

再研
烏梅
十枚湯潤去核入
米中蒸爛焙乾

右九味以水三升五合煮取升半去滓分溫三服

未發前令三服盡

脾瘡二方

小建中湯

方見太陰

甘草知母鼈甲圓

甘草

去頭尾好酒浸蒸從巳至午取出暴乾五錢

知母

槐砧上剉碎入乾木

曰內搗爛一兩

鼈甲

取九肋者洗去皮肉醃醋煮透炙黃色一兩

常山

臨用去苗用甘草末同水拌蒸取出好酒潤一宿三兩

右四味末之煉蜜和圓梧子大每服十粒好酒下

未發臨發正發各一服

肝瘡二方

通脉四逆湯

甘草

去頭尾酒潤
炙黃色七錢

乾薑

取如法修
事白乾薑

切一

葱白五

細辛

取真北地
者瓜水浸

一宿暴乾
剉碎七錢

右四味以水三升煮取一升去滓分温再服其狀

若死兼下利脉絕者加附子五錢生用

烏梅白薇細辛圓

烏梅

湯潤去核內米中蒸之米
熟為度取出暴乾一兩

蜀漆

臨用去根
同甘草末

拌勻水潤蒸之俟冷去甘草取蜀漆剉
碎又拌甘草水再蒸半炷香暴乾一兩

鼈甲

取九肋者五枚洗去皮肉入醃
醋煎乾取出炙燥搗粉二兩

白薇

糯米泔浸一宿取出暴乾槐砧上剉細蒸之從已至申暴乾一兩

女萎

竹刀刮去皮節及鬚蜜水浸一宿取出蒸一炷香焙乾一兩一錢

知母

剉碎乾木臼內杵搗一兩二錢

苦參

糯米濃泔浸一宿其

腥穢白浮於水上重重淘過即蒸之從已至申暴乾剉碎一兩常山同甘草末

水潤蒸之俟冷去甘草取當山石膏取潔白如

剉細再拌酒蒸之暴乾一兩砂礮內埋柳木火中煨令紅色取研極

細用甘草水飛過澄清去水暴乾二兩甘草去頭尾入瓷器中用好酒浸

蒸從已至申取出暴乾五錢細辛取北地端直極辛者用瓜水浸一宿暴乾八錢香豉如法修事者一合

右十二味為極細末煉蜜圓如梧子大酒服十圓

日再漸增至二十圓飲服亦得

腎瘧三方

桂枝加當歸芍藥湯

桂枝

去皮六錢

芍藥

去皮蜜水蒸暴三次一兩

甘草

去頭尾酒潤炙四錢

生薑

切六錢

大棗

四枚劈

當歸

去蘆頭及尾少許酒浸一宿暴乾判一兩

右六味以水三升煮取升半去滓分溫三服未發

將發發後各一服

葱白香豉湯

葱白

洗淨一握

香豉

如法修事者四合

箠竹葉

取東畔枝葉揀

去蟲蝕及有蟲卵穢跡者東流水洗淨切半升

烏梅

十枚湯潤去核藏米

中蒸

爛

常山

臨用去苗同甘草末水瀉并蒸俟冷取出甘草剉

碎酒潤一宿熬搗一兩五錢

右五味以水三升煮取二升去滓分溫三服未發

前令三服盡

胃瘧二方

桂枝二白虎一加芍藥黃芩牡桂湯

桂枝

去皮三錢

芍藥

去皮蜜水蒸暴三次判碎六錢

生薑

切三片

甘草

去頭尾酒浸蒸炙令黃色四錢

大棗

三枚

粳米

半合

石膏

研細甘草水飛過澄

暴一兩五錢

知母

槐砧上剉碎乾木曰中杵搗五錢

黃芩

取腐腸者東流水潤透蒸之暴乾六錢

牡桂

取厚寸許色紫赤味

辛甜者去內外粗皮一層剉碎勿令見火三錢

右十味以水四升煮取升半去滓分温三服未發

將發發後各一服

藜蘆圓

藜蘆

去頭用糯泔汁煮之從已至未熬黃色一兩

皂莢

新汲水浸一宿銅刀

削去皮每二兩用乳酥一兩反復炙令黃色搥去子

牛膝

去蘆用黃精汁浸一

宿焙乾

常山

臨用去苗同甘草末水拌蒸之俟冷取出剉碎再以

一兩
好酒潤一宿搗爛暴乾一兩

巴豆

去殼敲碎每一兩用麻油併酒各七合煮乾研膏四

錢

右五味末之煉蜜圓如小豆大旦服一圓正發一
圓一日勿飽食以瘥爲度

温瘧二方

桂枝二麻黃一湯

桂枝

去皮四錢

芍藥

削去皮蜜水蒸暴三次剉四錢

生薑

切四錢

甘草

去頭尾酒潤炙黃剉三錢五分

大棗

二枚

杏仁

湯潤去皮用烏豆白石等分同東流水煮從巳至

午搗爛九枚

麻黃

去節三錢

右七味以水三升先煮麻黃減半升去上沫內諸
藥煮取一升去滓分温二服温覆取微似汗未發

前令二服盡

欵冬白薇茹蘆圓

欵冬花

去向裏裹花蒞殼及向裏實如栗零殼併枝葉用甘草水浸一宿再取欵冬葉

相拌蒸一夜暴

白薇

糯米泔浸一宿取已至申暴上判細蒸之從已至申暴

乾一兩五錢

一錢

百合

用懷生地黃汁拌潤透蒸半炷香取出暴乾六錢

知母

槐砧上剉碎乾木白杵搗六錢

地骨皮

東流水洗去土

捶去心用甘草湯浸一宿焙乾一兩

桃仁

湯潤去皮用白朮烏

豆同東流水煮至中心黃金色為度取出搗八十一枚

玄參

入甑內用蒲草重重

相隔蒸兩伏時暴乾再拌兔絲子末蒸三炷香去兔絲子暴乾入木臼內杵搗六錢

沙參

真者多出遼地形似人參又似防風修長黃白體實有心心黃而肉白也同紫苑拌

蒸一炷香去紫苑

暴乾剉碎七錢

以椶刷去砂土浮沫破中心去白膜如竹絲草

樣者入甑蒸之從午至酉取出再用乳酥炙透

六錢 籠甲 取九助者洗去皮肉醱醋

兩 蜀漆 煮透柳木火上炙黃脆一

拌甘草水 臨用去根同甘草末水潤

蒸之六錢 飯上蒸暴 香豉 法修事者

烏梅 一合潤去核 銀州茈胡 蘆削

去黃薄皮 升麻 削去粗皮黃精汁浸

少許一兩 常山 臨用時去苗同甘草末水

牡桂 去表裏皮 潤拌蒸去甘草剉碎再用

酒潤一 前胡 削去蒼黑皮及蘆頭細剉

宿一兩 海螵蛸 用鹽鹵煮一伏時取出

兩 擇高潔地上掘一土穴

三當歸草堂

三當歸草堂

三當歸草堂

三當歸草堂

三當歸草堂

三當歸草堂

三當歸草堂

用炭火燒通紅少停置蝶蛸於穴中土上以瓦覆之次早取出一兩零七錢拌雀卵十枚暴乾

爲度 茹蘆即菖根勿用赤柳草根但

作內障修事去薄皮少許以極大鯁魚去腸內

茹蘆於腹內蒸至魚熟取出暴乾再換魚又如前蒸暴法凡七遍

右二十一味爲末煉蜜圓如梧子大空心煎細茶

下三十圓日三服

寒瘧一方

麻黃二桂枝一小青龍一湯

麻黃去節五錢

杏仁潤去皮同白火石烏豆煮之從已至午搗爛二十七

粒

桂枝去皮三錢

甘草去頭尾酒潤炙黃色

三錢

芍藥

去粗皮蜜水蒸
暴三次三錢

生薑

切三錢

細辛

北地者瓜水浸一宿暴乾三錢七分

半夏

小半合用醎醋攪白芥子末投半夏洗令涎盡再以水漂

五味子

取北地極肥大者以銅刀分作兩片用蜜浸蒸從巳至申更以漿水浸一宿焙

乾薑
九粒

乾薑

三錢取如法修製白乾薑

右十味以水三升先煮麻黃數沸去上沫內諸藥煮取一升去滓分溫二服未發一服溫覆取微似汗得汗停後服

痺瘡二方

女萎石膏湯

知母槐砧上判碎乾木曰

石膏研細甘草水飛過澄

暴三兩綿裹

甘草去頭尾蜜潤透炙黃色一兩

杭米一合淘淨

牡桂去表裏皮一層一錢

女萎銅刀削去皮節及鬚

蜜水浸一宿取出蒸一炷香焙乾二兩七錢

箬竹葉採東畔枝葉揀

去蟲蝕及有蟲卵穢跡者東流水洗淨一升

右七味以水五升煮至米爛去滓內諸藥煮取二升分温二服温覆令微似汗汗出者愈

葛根猪苓湯

葛根

用雪水或秋露潤透陰乾判碎一兩

猪苓

削去黑皮切作薄片

東流水浸一宿取出剉片用升麻葉拌蒸一日去葉暴乾如無葉升麻亦可用五錢

澤瀉剉碎酒浸一宿取出暴乾五錢

茯苓搗細水飛去膜澄清

暴五錢

滑石取潔白者以竹刀刮淨研如粉每兩用牡丹皮二兩

同煮三炷香去牡丹以東流水淘過暴乾七錢

石膏煨赤研細甘草水飛

過澄曬再研一兩

阿膠五錢

地骨皮東流水洗淨刷

去上捶去心甘草水浸一宿焙乾

梔子去殼取仁用甘草水

浸一宿取出暴乾搗篩為末五錢

右九味以水四升先煮八味取升半去滓內阿膠

烱消分温二服

梔子栝樓湯

梔子

五錢修治同上方

栝樓根

取大三圍者去皮搗爛以水澄粉暴乾七錢

香豉小半合取如法修事者

淡竹葉東流水洗切小

升半 葛根秋露潤透陰乾剉碎一兩一錢

猪苓剉去粗皮切片東流水浸一宿取出同升

去升麻黃等分滑石一兩修事牡丹皮銅刀削去骨剉

暴乾九錢知母槐砧上剉碎乾木曰

中搗爛生薑切七錢

右十味以水三升五合煮取升半去滓分温三服

牝瘧二方

蜀漆散

蜀漆臨用去根用甘草末拌蒸一炷香去甘草柳火上炙燥令作細粉

雲母

煨二日夜研作細粉埋深土過宿

龍骨

香草湯洗兩度搗粉

絹袋盛之另取雲母粉護袋外蒸兩炷香取出懸井面上過宿

右三味取淨末各等分末發前水漿服方寸匕

牡蠣湯

牡蠣

以鹽水煮一伏時再入火中煨赤研粉一兩五錢

麻黃

去節一兩

蜀漆

臨用去根湯浸一宿同甘草末潤蒸之俟冷去甘草剉碎再拌甘草水潤過宿暴乾

入錢如無蜀漆以常山代之

甘草

去頭尾酒浸蒸之從巳至午暴乾剉碎五錢

右四味以水三升先煮蜀漆麻黃減一升去沫內

諸藥煮取一升先飲半升得卽吐再飲之

冬病一方

藿香正氣散

此方四時咸宜

大腹皮

溫湯洗淨暴乾用生薑汁拌蒸一炷香暴乾三兩

白芷

去皮以黃精汁拌潤蒸一伏時暴乾今市賣者皆用石灰拌蒸更拌石灰收藏服之

爲害甚深慎之慎之三兩

茯苓

去皮爲末水飛去膜澄暴三兩

蘇莖葉

東流水洗暴乾三兩

真藿香

東流水洗暴乾

三兩

厚朴

取厚寸許及色赤氣烈者去粗皮每一兩用薑汁五

錢塗炙令盡二兩

白朮

米泔浸一宿取出拌山黃土蒸暴七次二兩

廣橘皮

去白剉細以鱧魚皮裹一宿至明取用二兩桔梗去頭上尖硬處四五

分并兩畔附枝于槐砧上剉細用生百合搗膏同投水中浸一伏時濾出緩火焙乾每桔梗一兩用百合

六錢

半夏

用白芥子末攪醞丙令勻投半夏洗三五次再以

水漂暴
乾二兩

右十味搗作極細末每服三錢薑三片棗一枚煎
湯服日二服未發一服發後一服

春病一方

芫朴湯

芫胡

去頭蘆及黃薄皮
少許剉碎二錢

獨活

剉碎以淫
羊藿拌漚

二日暴乾
去藿二錢

前胡

削去蒼黑皮及蘆頭剉碎
以甜竹瀝浸令潤暴乾二

黃芩

取腐腸者東流水潤透蒸
半炷香剉碎暴乾二錢

茅山蒼朮

去蘆及鬚糯米泔浸透削去黑皮再
用米泔浸一宿取出暴乾剉碎同脂

麻拌炒黃色
去脂麻二錢

厚朴

二錢修事
同上方

廣橘皮

二錢修
事同上

方

半夏麴

二錢取如法修事者其法用白芥子末入醋

內攪令勻投半夏洗三五遍水漂過暴乾末之
用生薑汁和勻捏作餅上下覆蒼耳葉如造麴
法俟黃衣上
遍暴乾收用

白茯苓

二錢修事
同上

藿香

二錢
洗

甘草

一錢修事
同上

生薑

三錢
切

右十二味以水二升煮取一升五更一服未發前一服氣弱人加人參一錢白朮二錢

夏服二方

白虎湯

石膏

研碎甘草水
飛澄暴四兩

甘草

去頭尾酒
潤炙黃色

三錢

知母

槐砧上剉碎乾木白
中搗爛一兩三錢

粳米一合

右四味以水三升五合先煮粳米減半升去滓內

諸藥煮取升半去滓分溫三服

竹葉石膏湯

竹葉一把採東石膏三兩修事

半夏半合用白

入醃醋內令勻投半夏洗三四次水漂暴乾判碎

甘草三錢修事

麥門冬不必去心

人參飯上蒸暴

粳米一合

右七味以水四升煮取二升去滓內粳米煮令米

熟成湯去米分溫三服

病久不愈四方

鼈甲煎圓

方見陽明

蜀漆圓

方見北瘧

牛膝湯

牛膝

取肥大長數尺者去蘆剉碎用黃精剉片同拌蒸一炷香去黃精暴乾四兩

右一味以水四升煮取二升分温二服未發時一

服臨發時一服用好酒二升煮取亦善

丁香酒

丁香

勿令犯火竹刀切片一錢

檳榔

頭圓矮毘者為榔形

光紫紋者為檳榔力小榔力大也凡使用檳榔穩正而堅有錦紋者以竹刀削去底細切之勿

令經火

四錢

烏梅

取肥大者湯潤去核藏米中蒸熟三枚

常山

臨用去苗剉片三錢甘草水潤蒸一次取出再用人參三錢拌勻水潤一宿飯上蒸

飯熟爲度去人參暴乾

右四味盛一絹囊內用好酒兩碗浸之從巳至夜露置屋月下高潔地橫刀其上臨發日寅卯時徐徐服如無量人作數次服完如胃寒人僅可重盪微溫但不宜熱服恐作嘔逆也服畢溫覆極煖靜室中臥當一日勿澡洗過時不發方進糜粥避風七日設不瘥再作服如前法

右錄諸方皆古人成案各有深意存焉蓋人之病

或有證同而因異或有因同而證異或有因證似
是而非或有因證似非而是者故所貴在盡察因
證之常變及探索古人所以立方之繩則則我亦
可以效法處方矧有古方之可循者乎否則頤懼
其操方以希合也合其幸不合且以病試方矣頤
竊於此頗三致意焉

痲瘡論疏終